

桂
洲
詩
集

桂洲詩集卷之第二十一

特進光祿大夫太子太師鄭國公李善終

詩 七言絕句一百四十九首

應制九十一首

恭和 御製秋日書懷詩

恭和 御製 欽天 追先二閣告

成詩二首

恭和 御製躬視 廟工記作三首

西苑 進呈詩二十四首

恭和 御製題秋蓮二首

恭和 御製奉 聖母觀玉泉二首

恭和 御製議事偶成四首

恭和 御製 帝畢吟

恭和 御製恭飭 七陵吟二首

恭和 御製春日得嗣之再詩六首

恭和 御製前次靈魚入舟追作四

首

恭和

御製四首

恭和

御製躬詣

顯陵渡河二首

恭和

御題漢江

恭和

御製元子期月喜吟二首

恭和

御韻面計大務二首

同序菴閣老

西苑應

制二首

恭和

御製喜雨詩一十首

恭和 御製禱雪吟五首

恭和靈幡步虛詞五首

恭撰白鶴歌七首

扈從五十八首

扈 蹕恭紀一十三首

侍 上祀 陵回奉 聖母泛舟西

湖恭述二首

扈 蹕奉 旨先往沙河途中恭述

二首

扈侍山行一十首

奉 旨沙河定議建築行宮恭述

十六首

侍 上西苑泛舟金海二首

五月九日侍 上泛舟金海八首

西苑晚步五首

詩 七言絕句一百四十九首

應制九十一首

恭和 御製秋日書懷詩

王輦臨看禁苑秋豐年真慰萬方憂願聞紫
塞銷金甲戍卒都無饑餒愁

恭和 御製 欽天 追先二閣告

成詩二首

維 皇明德迓天庥禮樂章章出 聖謀始
向泰壇陳藁結即看寶露被 陵丘

祖功宗德邁三王九葉
神孫聖彌彰振後
光前同一揆頌歌金石世難忘

恭和 御製躬視 廟工記作三首

一論罷免講官溫講

帝王正學心爲要妙道原非口耳傳今日講
筵聞至訓始知千聖本同然

一議 宗廟寢榻門戟設置之宜

悶寢尊嚴儼若生廟門森樹戟枝明百年舊

制啓新觀稽古因時道並行

一議葬禮之正宜有附從

人生喜聚悲離隔存歿同情豈異諸唯 聖
達天通至理幽明之故莫教殊

西苑 進呈詩二十四首

日月重開仁壽宮太平 天子道方隆殿題
無逸三王訓亭寫幽民七月風

畦邊綠水秧猶淺苑裏柔桑露未乾鳳輦曉

臨蠶氏館袞衣春祀穀祇壇

龍池西畔苑牆橫
碧樹朱亭曉望明
歲歲君王深駐輦
百花香裏看春耕

北郊已復親蠶禮
內苑仍開獻廟宮
繅出素絲方玉雪
織成玄袞炫山龍

壁題無逸與豳風
睿藻宸章著述同
聖主賜筵亭左右
儒臣進講殿西東

仁壽宮中秋宴開
慈顏初進紫霞盃
殿前

樂奏蕭韶曲萬歲山呼響萬雷

翠華日午臨西苑御筆傳宣觀穫來亭下

農官獻新穀天顏有喜侍臣陪

昭和殿枕兔兒山春日曾畱聖主歡翠蓋

龍駒出西苑霜毫王管賦祗壇

錦芳

亭名

開傍王池新傑構雄規出

聖君殿

敞松陰清馥馥亭虛竹色翠芬芬

清馥殿名
翠芬亭名

西苑門前渡彩舫龍池烟水漲冥冥碧山故

繞承光殿綠樹新藏寶月亭

臨漪亭子王欄干太液池頭汎曉瀾神鯉
翻青荇帶靈龜飛上綠荷盤

虎城城西恒裕倉歲歲年年足稻梁秋日翠
華來省歛野農亭下拜 君王

僊城窈窕承光殿瑤水溟濛太液池危石巧
穿千尺潘長松故偃萬年枝

昭和殿淑景含楊柳崇智殿春光放牡丹紅

艇中流一回首五雲縹緲是金鑾

堆雲積翠通山殿王疎金鰲架石梁玄武門

高天北極廣寒宮在水中央

堆雲積翠王疎金鰲並坊名

綠椒紅桂闌芳叢岼沚汀蒲媚遠空鷓鴣雙

雙金殿鎖天鰲箇箇王池籠

迎和門外柳堤平日照菰蒲烟霧生小殿面

山蒙濕翠方亭臨水瞰空明

凝和殿前柳拂頭海屋深藏龍鳳舟碧水灣

灣護瑤島青山面面對瓊樓

遠翠軒前會景亭曲欄朱檻鑒清冷天峰擁

翠開蓬島月桂飛香下杳冥

擁翠飛香並亭名

石臺銅柱綠槐陰城上朱簾相映深高鼻
兒來萬里鬢毛獅子直千金

原上遙瞻太素門歲寒松竹映層軒茅堦詎

道王風遠環堵欣看古意存

太素殿北有歲寒軒

涵碧樂成

二殿名

相蔽齡黃簾碧瓦映連漪石

橋板開時開閉雲磨風輪自轉移

天池瓊島翠峨峨王洞虹橋隱薜蘿萬歲峰
頭瑤殿古廣寒清影照山河

小山山前紫霧生水簾飛灑玉龍鳴洞門九
曲春流細池閣千章夏木清

恭和 御製題秋蓮二首

雨過龍池秋意新紅粧翠葆映清濱遙瞻碧
岼迴瑤輦玉樹涼風不動塵

的歷蕖荷晚更新翠華臨賞玉池濱
宸情雅愛秋光好萬字清無一點塵

恭和 御製奉 聖母觀玉泉二首

山腰亭子瞰清泉玉溜深從石罅穿
御輦慈輿同駐蹕他年端合號龍淵

何事茲山號玉泉清泉噴玉地中穿
慈宮福壽何堪擬千仞岡陵萬仞淵

恭和 御製議事偶成四首

消盡羣陰豁曉蒙
瞻依紅日正當空
聖人
畫坐重華殿
散得薰風萬國中

南宮四月薰風暖
香送薔薇浮
御盞
聖

主題詩賜近臣
毫彩墨華光玉版

春光已過艷陽天
野外農家正插田
欲聽謳歌滿阡陌
直須無吏橫索錢

聖主前日祀
陵還不見農耕
荒野田蠲租
一詔群心悅
氣象唐虞共藹然

恭和 御製 禘畢吟

聖人仁孝本精專由 祖推原及 太先億
萬斯年綿帝系天潢直遡到真源

恭和 御製恭飭 七陵吟二首

彤雲晴逐翠華飛繞繞黃旗振羽輦萬姓遙
看 天子駕六軍齊扈 袞龍衣

南瞻 京闕北 園陵河上 行宮兩度登
不是我 皇深念 祖光前裕後更誰憑

恭和 御製春日得嗣之再詩六首

九五龍飛十六春
冰天炎海盡歸仁
百男定協周人頌
聖德神功邁等倫

六宮和氣藹如春
道合乾坤發育仁
不是皇天私眷祐
我君大孝本無倫

儲祥疊降並當春
天眷由來屬至仁

陵下行宮聞大喜
朝家熙事古難倫

奉親遊賞及芳春
政協陽和溥帝仁
慈

孝古今稱大德 聖人真是盡人倫

受命已作周文子傳道當爲夏啓父裕後
光前屬聖人 駿業鴻圖思烈祖

鑒輿行春見赤子到處懽呼走田父盛事曾
聞宣廟時 神孫動法皇高祖

恭和 御製前次靈魚入舟追作四
首

聖人大化與 天通不是談玄與說空魚躍

于淵真道體利從九五見飛龍

至德飛潛自感通白魚有兆信非空君王

神聖過周武御舸波心見赤龍

麥莊橋畔綠波通誰使神魚奮躍空始信波
臣知扈蹕太平天子是真龍

金海西湖御氣通中流簫鼓振虛空太音自
感遊魚聽未必深淵有卧龍

恭和御製四首

復次夜還京

今夕還如昨夕涼

車駕初三日夜發初四日夜發沙河

陵丁

南途較比北途長

沙河以北入山路遠近以南入京路遠

中宵馬

上占星斗何幸瞻依

紫極光

清吹飄飄途野涼宵征輦路愛偏長炎氛直
避旌旗采炬影遙分河漢光

入京

鍾陵不似燕臺勝王氣千年今獨盛
祖宗

締造北南都萬國來同 王業定

神京百工河山勝太平此日當全盛 天生

聖主握乾符百年禮樂勞 親定

恭和 御製躬詣 顯陵渡河二首

鑾旌扈侍一旬餘千載 君臣慶水魚孝理

已看光帝德巡行端復壯 皇輿

駕發鑾還僅月餘 六龍飛海挾羣魚虞巡

鎬宴同斯盛况復持毫侍 乘輿

恭和 御題漢江

嶓水東來走漢江，浮天浴日發榮光。
青山城郭龍飛邸，萬古乾坤開帝鄉。

恭和 御製元子期月喜吟二首

祖功 宗德總無垠，聖主深恩洽萬民。
天畀元良隆國本，萬方稽首頌皇仁。

皇德巍巍覆八垠，功高千古利生民。
謳歌喜見吾君子，錫策應知上帝仁。

恭和 御韻面計大務二首

帝化皇風薄海垠域中豈合有頑民干戈俎
豆咸成治禮樂征誅總是仁

聖朝疆宇外無垠未許冠裳有異民尺地寸
天皆入貢含哺鼓腹戴堯仁

同序菴閣老 西苑應 制二首

丹輿翠蓋下僊臺 聖主親携四輔來日繞
龍鱗雲氣合定知霖雨遍蒿萊

苑邊綠柳迎僊伏 殿上紅雲捧 王皇長
夏 宸遊懽不極 侍臣隨處拜清光

恭和 御製喜雨詩一十首

農事豐凶在雨暘 春田旱久麥苗黃 聖心
日軫民艱食 恭啓靈壇籲彼蒼

一番時雨解恒暘 佇見秋雲萬頃黃 老稚歡
呼歌 帝德焚香舉手拜蒼蒼

不憂亢旱喜時暘 麥隴青青失稿黃 聖澤

先天敷下土孰云靈雨自穹蒼

經時暄濁畏驕陽萬葉焦卷百卉黃 天賜
龍池一夜雨曉看宮樹有餘蒼

聖主祈 天板亢陽自將圭璧奠玄黃密雲
若共 綸音發三日甘霖四野蒼

昨看龜坼徧郊田今日沾濡賴 彼天盡識
皇心敷大化不須方社夙祈年

通宵膏雨澤公田四海蒼生有 二天不是

吾皇躬叩禱可能凶歲變豐年

麥滿高原禾滿田應時甘雨荷神天微臣
曷贊吾皇德載筆欣書大有年

省耕亭下水盈田耒耜還依咫尺天已喜

郊宗富穡盛更逢海宇盡豐年

觔骨何曾苦力田一生祿食戴雲天小臣實
爲豐登喜端拜皇恩祝萬年

恭和御製禱雪吟五首

雪少方疑造化慳恭承 聖主印 皇天元
辰一白呈嘉瑞太史先書大有年

去歲三冬雪澤慳瓊花飛下早春天元正喜
屬農祥候預卜豐穰是此年

幾見雲同雪意慳小臣稽首夜瞻天萬邦瑞
應三朝會記取 龍飛二十年

造物何曾與物慳 聖明天子卽 皇天新
春元日飛靈雪豫泰豐亨億萬年

一雪猶欣已破堅
春朝連雪荷仁天
從知四海同溫飽
鼓腹謳歌堯舜年

恭和靈幡步虛詞五首

素練離離飛白虹
翩翩上引九虛風
雲中帝女施天巧
綰結長空雙王龍

萬歲宮中揭寶幡
赤霄天女御瑤壇
化工不作人間勝
玄武青龍上下蟠

御筆揮呵黑帝符
天皇真炁降虛無
靈幡曉

結瓊花帶僊苑春呈瑞雪圖

一炁壇高北斗邊玉書中夜禮瑤天吾

皇祕禱心如結帝遣神旛託象傳

百結盤盤寶帶文空中如舞鶴鸞羣應知
上帝廻龍駕十絕霓旛墜紫雲

恭撰白鶴歌七首

丹砂爲頂雪爲衣玄圃飛來太液池紫氣忽
看函谷滿僊蹤未許白雲知

芝田緹嶺度年華金闕瑤池認作家萬歲山
頭看玉羽蟠桃今日又開花

纔向瑤池振羽毛金風吹入白雲高一聲朗
徹秋空月引領羣僊下紫霄

片雲縹緲度晴空振翮來從碧海東九轉養
成靈羽雪千齡鍊得頂砂紅

僊禽警露下青霄午夜圓吭徹九臯玉羽凌
風秋氣爽碧空滄海恣遊遨

白鶴飛飛自閬崑
遙看雲影度天門
玄洲瑤水殮霞久
養就丹砂奉至尊

白鶴凌空如玉虹
碧霄玄圃往來通
帝教持獻君王壽
頂上丹砂一粒紅

扈從五十七首

扈 蹕恭紀一十三首

發京

御札宵從太傅傳
五更騎馬暫辭天
連朝

陰雨今開霽五色雲光映日鮮

玄福宮候駕

玄福宮中拜 袞衣密瞻 天表壯龍威

御製

冠承

恩飲罷黃封酒鹵簿前頭騎若飛

駕次沙河

百年不覩朝 陵駕父老懽呼識漢儀春日

沙河河水上千村花柳映 龍旂

本朝謁陵之典自

宣宗後五朝不復舉今百二十年矣

望 諸陵

龍蟠虎踞白雲鄉
直接崑崙第一岡
聖代
萬年綿寶曆
河流真與慶源長

駕至 陵下行宮

龍旂駐蹕 七陵初錦障
徐行 輦路紆文

武衣冠瞻 聖主親扶
聖母降鸞輿上廟至

陵下立行宮門首祇候
聖母駕至親侍降輿
以入百官親覲咸仰贊
聖孝之至云

侍 上謁 長陵

王殿金樓積翠中寶山千仞護 玄宮 神
孫百拜長陵土功與開基漢祖同

侍 上登 長陵明樓

明樓高起接青冥 文祖千秋第一陵親侍

我 皇碑下拜瞻依真對 在天靈

上謁告畢召臣

言侍行登明樓 上拜陵碑臣言刊後復循歷寶山隨處備承 顧問茲不盡述云

侍 上謁 獻陵 景陵

文皇開建太平基 聖子 神孫共一時

陵廟百年修盛典遭逢明主中興期

侍上謁裕陵茂陵泰陵

康陵

四陵相望鬱盤迴繡嶺瑤峰萬疊開瑞氣氤
氲松栢裏五雲春擁六龍來

侍上幸九龍池

六龍初幸九龍池內使傳宣許騎隨翕忽西

巘風雨黑山靈震恐老蛟移

上出行宮中官
傳宣賜臣言

乘馬以從至太宗行宮風雨忽作
及駐蹕池上即復開霽亦甚異云

上十地十八道嶺

乘輿三度駐茲山
協氣榮光此獨全
願以岡陵申祝頌
太平天子萬斯年

御製諭昌平州官勅

經過陵邑念民窮
不見春田餉野農
聖

主蠲租親草詔
輔臣宵捧出

行宮

上初至陵下行

官召見諭曰朕自發京過沙河見居民甚少
野無農事此地祖宗陵園所在甚切朕心

今日昌平州官率耆老生徒來見宜詔諭是
夕上親草勅稿漏下二鼓復召輔臣時捧
出臣言
預焉

駕回至沙河

父老來辭 聖駕回行宮門外 詔書開共
言今日逢 堯舜萬歲山呼震若雷

侍 上祀 陵回奉 聖母泛舟西

湖恭述二首

七陵朝謁幾經丘端爲 慈歡一放舟莫作

西湖歌吹曲 君王原不是春遊
湖上牙檣錦纜開太平 真主祀 陵回樓
船不炙橫汾賦舟楫唯慚濟巨才

扈 蹕奉 旨先往沙河途中恭述

二首

千村萬村花柳明 七陵佳氣紫煙生黃旗
曉日雲中出 玉輦春山雨後行

長陵龍蟠雲氣蒙層峰疊巘護千重乾坤磅

磚開

神域雨露沾濡感

聖衷

扈侍山行十首

侍上幸九龍池

風巖古木千章合
雲竇流泉半壁停
池雨兩番迎
聖駕此中端合有龍靈

霓旌羽騎依巖駐
黃幄朱帷傍水開
葦菰蒲亦何幸
年年雨露翠華來

侍上登平臺山視新起聖蹟

亭

烈祖當時畱聖蹟

文孫今日薦鴻名

茲山誤稱

天壽上謁

陵始

平臺磐石同天地想見千

秋萬古情

方壺圓嶠虛無裏赤水玄洲想像中遙望平
臺山絕頂人間真自有閬風

侍上登長陵明樓

寶山高處是明樓文祖陵碑在上頭鳳舞

龍飛山色裏兩年三度侍宸旒

王音疊疊問當年定鼎燕京計萬全億載金甌歌鞏固祖功宗烈本同天

侍上至沙嶺閱視關隘

披榛歷莽陟嶢嶢龍騎驅馳不憚勞要使漠南無牧馬正思飛將斬天驕

老君堂東沙嶺長盤盤石磴繞羊腸誰知窮谷深山裏草木猶能識帝王

侍 上重幸墜石口以 太后前

次未至

懸崖峭壁石嶙峋水碧沙明清可人春日

鑾輿重駐蹕 聖情端只爲怡 親

林深谷邃路紆迴猶似前春 扈蹕來粉堞

跨山 天步健 赭袍臨水 聖顏開

奉 旨沙河定議建築行宮恭述一

十六首

居庸山高積翠重沙河水流雙玉龍
榮光御氣久盤薄天畱聖主作行宮
南瞻宮闕紅雲近北望園陵紫霧深
歲六龍勤駐蹕此城端合築黃金

出京城

翠華曉出鳳凰城雲日天開八表清
錦繡河山環鞏固太平民物賴生成
宮闕紅雲壯五城七陵王氣紫煙清
皇都

閔寢真天造 文祖神功集大成

舟抵西山

青山萬疊王湖頭 旭日晴光蕩碧流
閃閃黃旗圍曉岬 依依畫舫過春洲

楊柳陰連曲岬頭 平湖渺渺玉泉流
鳳笙響度桃花渚 龍鼎香傳杜若洲

至沙河駐蹕

南北雙流帶石橋 天然形勢自成壕
園陵

駐蹕十年典築鑿何須計暫勞

青山碧水映虹橋萬雉城臨百尺壕自媿不
如南仲叟居然曾任朔方勞

至天壽山

龍蟠虎踞護陵門恭望長陵北極尊江

左遙思神祖烈湖南永慕獻皇恩

黃袍絳輦入紅門扈蹕臣叨奉至尊文

祖豐功垂大業神孫純孝念深恩

閱燕子口

西來山口此爲三峭峽崦岬倚翠嵐自識王
公能設險恭緣聖主得窮探

扈行文武有臣三紫蓋光生萬壑嵐喜見關
山雄直北不教胡馬更南探

閱奇安口

山勢安安本足奇峻嶒岬嶧自堪疑只看平
野麟鳳集未許陰崕魑魅訾

水口諸峰面面奇地成天造更何疑即今附
會堪輿說郭璞青烏未可訾

夜還駐沙河

萬炬如星列鴈行南風吹野夜生涼獨騎
賜馬隨珂輦竊幸馳驅愧上襄

鸞旗虎胄肅周行聖主高乘步輦涼駑力
祗堪供夙夜非才敢擬效匡襄

侍上西苑泛舟金海二首

絲絲細柳迎風直
點點新荷貼水平
太液波心紅艇子
真如天上畫中行

金鰲橋下青蒲淺
萬歲山頭綠樹濃
內苑風光何處好
臨漪亭榭水雲中

五月九日侍上泛舟金海六首

金海祠前雨乍收
濛濛雲月淙中流
船牕燈火明黃幄
咫尺龍顏在上頭

萬歲山前一棹迴
御舟遙望近南臺
柳陰

不省宮車過隱隱輕雷水際來

金鰲橋北小亭幽蘆葉蕭蕭柳拂頭逢聽一
聲清蹕近兩行銀燭侍 龍舟

臨漪亭榭水雲低鷓鴣鴛鴦相對棲向夕迴
船碧荷裏棹聲驚起遶梁飛

西湖水通北閘口金海祠連湧王亭橋下碧
波翻白雪船頭明月出青冥

畫船暝戛水煙空王殿金樓在眼中應 制

昔年題寶月直廬今日卧幽風

紫微垣裏泛銀河天上風光此夕多波面長
橋虹飲澗山頭古殿鳳巢阿

舊日承恩端午日中流簫鼓侍宸遊不
知今夕爲何夕月裏追隨龍鳳舟

西苑晚步五首

無逸殿前打穀場年年觀穫侍君王却慚
不省農家苦四體安然食太倉

禾黍堆場秋氣深清霜白露下園林不知

鳳苑龍池裏猶動前時故里心

散步微吟對晚空玉樓金殿翠烟中忽思芳
桂洲前夕月上琵琶第幾峰

高秋多稼慶天田太史新書大有年 仁壽

宮中修報典萬邦誰識 帝心虔

海霧山雲覆苑牆坐來夕露欲沾裳直廬夜
照金蓮炬絕勝青綾卧玉堂

桂洲詩集卷之第二十一終

桂洲詩集卷之第二十二

特選先祿奏種國師兼李太師節書華蓋殿大學士夏言譔

詩 七言絕句一百二十首

典禮一十三首

遣 泰陵祭告

陪祀先農宿西壇

重陽 賜宴

欽命 文華殿代拜 先聖先師三

首

南郊陪祀遇雪二首

代祀 泰陵 康陵

金海祠禱雨四首

館閣三十二首

苑中聞鴈三首

苑中寓直紀事二十七首

閣中午興

朝回納涼晚坐

感述五十首

陵下恭紀 恩賜一十八首

賜詩志感二首

賜扇志感二首

奉 旨觀栽竹於 欽安殿二首

種竹 欽賜彩段寶鐘二首

恭撰 賜遊西山四首

恭撰 賜遊小山紀事六首

賜重遊西小山紀 恩七首

賜金筒蓮花二首

祚幡五首

旅況一十五首

滇南相見坡郵壁次朱凌谿

將至鎮遠入舟

伏城驛亭次許伯誠侍御九首

張家灣阻風二首

弋陽道中

沅口舟中

入車騎關

遊覽三首

觀石井用晦翁韻三首

邊塞七首

聞大同軍變三首

湯總兵慶平海寇歌

詩 七言絕句一百二十首

典禮一十三首

遣 泰陵祭告

萬山明月靜松陰
石瀨盤迴翠壑深
燈燭熒熒陵殿寂
不勝悲咽小臣心

陪祀先農宿西壇

王音親遣大司農
農祀南郊代朕行
青壤不因含凍雪
黃旗那肯廢春耕

重陽 賜宴

九月九日重陽節 宮闕九重開 御筵更
酒香露白玉醴菊粢細插黃金錢

欽命 文華殿代拜 先祖先師三
首

魚鑰初開左掖扉 龍輝曉月尚輝輝朱衣
暗引勤中使 玉殿遙瞻直紫薇

文華殿左聖師堂斯道而今倍有光萬古冠

裳賴周孔一時俎豆配皇王

精一心傳道統真千秋堯舜幾君民若將帝
德論純雜轉見吾皇獨聖神

南郊陪祀遇雪二首

漢家天子布陽春躬祀南郊禮北辰一夜
燕山雪如掌瓊花飄作屬車塵

仲冬至後雪不飛天子憂農宵攬衣明發

南郊祈上帝扶桑紅日淨暉暉

代祀 泰陵 康陵

陵殿相望倍寂寥
春山松柏雨蕭蕭
小臣瞻拜增流涕
父子登科在兩朝

金海祠禱雨四首

聖主祈霖日
禱神爲蘇農
野沃河津更將牲
幣祠金海委曲精誠出
九宸

經旬禱旱徧羣神
莫挽天河倒析津
金海祠頭觀湧王
晚雲將雨過
楓宸

擊鼓吹笙祀水神晚風斜日渡龍津夜看河
漢群星濕殿上飛符奏 王宸

川君河伯總波神不見分流潤涸津願得老
龍噓氣起獨爲霖雨答 中宸

館閣三十二首

苑中聞鴈三首

病起春愁黯未開忽聞鴻鴈度僊臺自憐不
及高空翼容易南歸又北來

渺渺春波十里開
桃花灘口釣魚臺
主人忽作經年別
孤負鷗羣日日來

梅花幾度傍江開
數載不登江上臺
何日春風送歸鴈
多情却望北書來

苑中寓直紀事二十七首

水風清透芰荷香
會景亭中捧御床
朱箔黃簾垂四面
銀燈寶炬列千行

湧玉亭前夜放舟
碧荷香靜雨初收
遙看北

岼紅燈裏水殿珠簾盡上鉤

波光月色遠涵空絳蠟籠紗隔岼紅 玉輦

迴過清馥殿彩舟移傍廣寒宮

殿外鶯啼午夢回綠陰如幄覆宮槐病身正

爾支頤倦忽報中官 賜藥來

綠樹陰陰翠殿寒臨漪亭上倚欄干誰知鳳

閣龍樓裏亦有青山碧水看

山頭月出廣寒殿水面風來太液池玉疎橋

邊廻夜舫芭蕉園上 賜歸時

五雷壇上雨初飛太素宮高碧樹圍船裏中
官傳 御札莫教沾濕侍臣衣

緋袍畫舫泛中流瓊島虹橋上下浮畢竟蓬
萊何處所人間此地是僊遊

太液波光蕩窈冥水雲深處倚朱亭風前細
細荷香遠雨後蕭蕭蘆葉青

朱垣碧瓦洞雲深密柳高槐合晝陰多病老

臣宜避暑璇霄殿裏奉 綸音

御前新賜小驊騮內使雙牽金絡頭北教塲
邊終日候夜深歸去又乘舟

召對時時會景亭中官傳 旨急如星紫騮
馳入青松去畫舫隨來綠水停

飛香亭下碧荷隈 詔許登舟且暫回老監
停撓遲不發 御前傳道賜茶來

凝和殿裏侍 宸旒看竹還同到後頭簾外

夕陽宮樹綠
芰荷深處賜迴舟

綠陰深處轉黃鸝
布谷斑鳩隔岸啼
曉起推牕足清興
虛疑殿直是林樓

御舟流泛水中央
親侍龍顏笑語長
中夜

捲簾雲月出南風
吹雨盡成涼

黃金盤子爇龍涎
波面風來香滿船
銀燭光搖簾影細
水晶宮裏夜朝天

新賜文舟泛碧瀾
扣舷容與得奇觀
菱窩簇

簇團花錦荷蓋亭亭翠玉盤

蘭舟初發水雲隈萬歲山頭風雨來移傍玉
橋西岼泊中官引馬急相催

老臣深荷 聖恩憐寶劑頻頻賜御前一夕
兩煩中使捧百花圓子地黃煎

廣寒山北據胡床綠樹紅亭對夕陽遙聽官
車下西苑輕雷隱隱度銀潢

雨後 宸游萬歲山數聲清磬紫雲間夜歸

召見凝和殿銀燭光中接聖顏

太素原頭夜半歸秋暉亭上雨翻飛空牽王
勒天開馬濕透紅綃宮錦衣

太液池頭賜舫停蕭蕭涼雨送荷聲遙知
此際龍顏悅萬井炎氛一洗清

閭閻沴氣未全消和藥祈靈聖主勞試煉
神丹已如意洗天甘雨續僊瓢

簾幙陰陰坐午寒承光殿上雨初乾階前百

尺封侯樹親侍 龍顏帶笑看

翠華已入承光殿 詔許橋南更上舟遙望
高城松栢裏朱衣環立女牆頭

閣中午興

的皪瓠珠荷上雨颼颼鳴玉樹間風湘簾半
捲清無暑燕坐凝香紫閣中

朝回納涼晚坐

黃屋歸來坐晚涼盆荷裊裊送微香虛憐綠

樹池臺畔清簾疎簾夏日長

感述五十首

陵下恭紀 恩賜一十八首

兩宮 皇太后賜金幣

百里 山陵扈蹕行 兩宮金幣賜非輕小

臣趨走何堪副 慈眷應多 聖主情

賜 聖母賜 上食珍餅

珍餅頒來寵數殊 聖恩 慈賜特分餘

君親義重賡歌美信史他年合大書

賜詩

聖藻篇篇肆筆雄典謨家法帝王風儒生
自是雕蟲技努力賡歌愧未同

賜飛魚衣

金織緋衣五色妝數承恩賜有輝光太平
無力堪圖報只合終身侍衮裳

賜帳房

扈侍三臣賜帳同 聖恩還許近行宮
青瑣翠幙重重蔽風雨安知夏屋中

賜果殽酒餅

珍果嘉殽益共攢宮醪御餅雜雕盤
黃箋小票名稱異逐一收來細細看

賜長春酒

前年春飲長生酒 御筆丁寧始識名
今日山中頻拜賜願歌旣醉答昇平

賜甘露酒

顯陵甘露舊頒嘗翠管銀罍尚寶藏日賜宮
醪真玉醴每因霑醉憶嘉祥

御劄賜諸香藥

梅蘇法製俱珍品衣帳薰香夏月宜次第題
封皆御墨小臣何以報恩私

賜益本圓諸藥

中年多病苦侵尋幾度衰顏軫聖心珍藥

屢頒皆御製餘生何以答 恩深

賜侍行陽翠嶺

玉鞭金勒控飛雲十二龍旗五色文
山翠夕陽相掩映彤芝蓋擁聖明君

賜觀大段峪

峭壁連峰有一門高尋王峽間真源翠微深
處開黃幄草木陰崕識至尊

賜觀九龍池

九龍池上雨霏霏戴笠披氈護
賜衣行處

每家天一笑小臣奔走倍光輝

賜觀得勝口歸

白馬銀鞍金絡頭青山隨處侍宸遊
夜歸忽報迎中使黃袱籠盤
賜玉盞

賜益本圓

玉帶金璫中使來寶奩珍劑案頭開
宮門夜半雷魚鑰猶待燒燈草奏回

賜萬春香

黃紙重封護絳囊
銀罍滿貯萬春香
朱衣走馬金蓮送
賜出行宮夜未央

賜燭

翠幙青簾擅四圍
短檠行帳夜光輝
燒來銀燭皆宮賜
不羨金蓮一送歸

賜筆硯箋墨

御筆霜毫五色箋
端溪紫石金珍研
玉音

勅賜文房用從此書香百世傳

賜詩志感二首

侍臣詞翰總英雄
扈從金輿出漢宮
御筆臨軒流聖藻
不煩雕琢自天工

三朝館閣舊詞臣
應制新詩捷有神
宮監新調天廐馬
錦袍親賜上方珍

賜扇志感二首

天上涼風拂面來
錦囊檀扇並新裁
雲箋詩

寫藏頭句宛轉迴龍不易猜

畫圖小扇宮中製親侍 龍顏得賜頒花鳥
一叢春富貴迴文幾曲錦連環

奉 旨觀栽竹於 欽安殿二首

五月十七日朝暾有詔亟趨玄武門江上新
來鳳臺竹薰風移植御花園

欽安殿前修竹園百尺琅玕護紫垣夜夜月
明搖鳳尾年年春雨長龍孫

種竹 欽賜彩段寶鑑二首

承恩看竹五雲隈
紫禁金城日往迴
饌物御前叨醉飽
天風兩袖出蓬萊

彩幣雙頒寶鑑千
小臣蒙被寵恩偏
瞻天每效華封祝
聖子神孫億萬年

恭撰 賜遊西小山四首

曾聞遊苑賜諸臣
春日無端阻病身
聖主恩深勞記憶
更從僊島陟嶙峋

長陪玉輦侍宸旒綠鬢承恩到白頭卧

病豈知三月久御園仍得續春遊

聖皇恩德重於山禁苑瑤峰得再攀誰道臣心如木石不知天上與人間

小山山下百花臺綠樹陰中首重回獨有蜀葵顏色好赤心終日向陽開

恭撰賜遊小山紀事六首

清虛殿

峰迴徑轉躡嵯嶢直上清虛玉殿高正倚
朱闌瞻北斗不知身已傍雲霄

鑒戒亭

山腰亭子迥含風碧瓦朱簾紫翠中御筆

當年題鑒戒小臣偶與

聖情同

初建亭時蒙皇上

遣中侍高忠宣問鑒戒二字作何書臣具對稱

旨

水簾洞

石竇陰陰夏日寒洞門飛瀑散林端玉龍戲

吐明珠出應得 天顏一笑看

曲流觀

宛轉流渠遶石臺
玉泉滾滾泛僊盃
分明九曲騰波勢
始信黃河天上來

翠林瑤景池亭

翠林瑤景雙亭倚
玉沼虹橋一水分
時有錦鱗開碧藻
遙看白鳥入青雲

省耕亭

御苑平疇野望明
龍旂歲歲課農耕
東風亭上真弦管
雨後青林布穀聲

賜重遊西小山紀恩七首

雨後芳林瑞靄生
風前好鳥弄春聲
翠微深處清虛殿
道是蓬萊畫未成

禁苑春遊荷聖情
小山山下踏新晴
杏花經雨枝枝放
芳草和烟處處生

碧葉蘄蘄隴麥肥
桃花未發杏花齊
綠波渺

渺春無際太液池邊鷗鷺飛

翠林瑤景映方塘春水晴波逗日光無數金
魚爭出躍再將靈沼詠文王

朱簾草色蔭瑤階紫殿松陰覆石臺正對曲
流思泛聳宮醪王饌賜筵開

平臨木杪清虛殿迥出山腰鑒戒亭徙倚危
欄看下界攀緣仄蹬上青冥

元宵雪後曾登覽春日花開又賜遊兩月

聖恩蒙被重賦詩詳紀詔千秋

賜金筒蓮花二首

飛香亭畔坐銀牀
勅賜紅蓮一朵芳
斜壓

金筒烏帽側凝和
殿北拜君王

五枝僊萼淨娟娟
捧向龍盤色更妍
借問

宸游在何處
翠華雨後駐高玄

祥幡五首

王虛壇上紫烟生
仙馭浮空彩霧迎
稽首

上真垂降鑒華幡巧結甚分明

天上金橋度有緣 皇恩頒向帝恩先靈幡
曉日蟠雲際寶籙中宵賜 御前

草芥微臣荷 聖人每因嗣續注 皇仁神
幡結處天心鑒頓首風前謝 紫宸

錦幡盤結絢雲霞知是 神天錫應嘉願得
生兒識忠孝世爲犬馬報 皇家

空裏靈幡巧結連小臣何力動 皇天 北

辰上帝中華主南嶽真人下界僊

旅况一十五首

滇南相見坡郵壁次朱凌谿

將至鎮遠入舟

蕭條關塞逾重險索寞風烟入素秋明發清溪問歸棹一帆更向洞庭游

伏城驛亭次許伯誠侍御九首

雨過堦前碧草長風來亭上野花香入門下馬興已發掃壁題詩倦不妨

窈窕園亭幽徑回
蜀葵高花滿院栽
含風翠葉已密布
映日丹心方盛開

亭上獨吟閒往還
眼前幽事靜相關
嬌鶯乳燕作對語
翠篠紅蕖各自顏

昨日辛苦宿定州
一宵風雨憶滄洲
今晨雨霽天氣好
合向峽山亭上遊

新鶯學轉聲猶澁
乳燕教飛翅未舒
長夏江村足幽興
伏城亭館似吾廬

山雨忽來涼似秋滿庭槐樹翠陰流卧移短
榻正當戶坐隔珠簾不上鉤

墻外柳條陰接地池中小荷顏色鮮坐消暑
氣且末日不管物華催少年

少華新詩題滿亭我來秉燭對簷楹五更正
作江南夢隔葉黃鸝聞一聲

曲欄橫楹護珍叢翠葉娟娟花並紅最愛錦
魚游碧沼更憐黃鳥弄薰風

張家灣阻風二首

張家灣裏滯行舟
洪河嘴邊河水流
闌風伏雨作秋暝
汀蓼渚蘋生野愁

狂風吹檣萬馬嘶
長河怒濤高拍堤
孤舟回望秋城遠
沙磧空林日易低

弋陽道中

篠簜渡頭楊柳低
桃花灘上子規啼
蘭橈蕩入葛溪口
三十二峰春日西

流口舟中

烏牛石前春草肥釣魚臺上野雲飛中流一
舸真如畫雨岼遙山王四圍

入車騎關

玄冬大雪梁園西乾坤幹運豐年機願銷金
甲化農事不聞野哭惟隣鷄

遊覽三首

觀石井用晦翁韻三首

山下潛通一掬泉幽花碧石映清漣半巘蜿蜒藏深黑知有神龍隱洞天

煩君爲築泉上亭石欄曲曲瞰空明亭成它日還來此莫謂山翁只此行

洞口臨漪眼倍明看泉不減看山情肩輿昨下僊都嶺猶憶飛泉萬壑聲

邊塞七首

聞大同軍變三首

聞夫豈是兼資器
賈鑑元非統馭材
辱國損威今若是
召尤基既有從來

三邊虜騎何曾犯
數月軍儲不自供
國計向來難料理
廟謨今日莫從容

許銘怨骨生秋草
頗恨天誅緩李隆
參將都堂同日死
赦書何事又雲中

湯總兵慶平海寇歌四首

大將旌旗照海紅
水軍東下劍光雄
氣吞遠

嶼妖氛滅血染高沙賊壘空

東南海寇弄兵頻出沒長江不畏人鐵甕城
邊開督府百年沙島靜烟塵

捷書飛奏海沙平南國將軍善用兵 詔賜
黃金都督印腰間王帶雪花明

樓船上將領官軍白日旗翻瀚海雲一夜沙
酋擒斬盡朝來王璽策高勲

桂洲詩集卷之第二十二終